

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Seelen Rittersporn ... Thayl

Das ist: Andächtige Betrachtungen, inbrünstige Gebett und Seufftzer zu
Gott ... auf alle Tag der Wochen gestöllt ..

Ynßprugg, 1639

Mehr ein anders Gebett nach der H. Communion

[urn:nbn:de:bsz:31-160631](https://nbn-resolving.org/urn:nbn:de:bsz:31-160631)

Lösung aller Völker gesandt/ geschickt
 vnd auffgenommen hat: Verzeyhemir
 vnreynen vnd grossen Sünder/ daß ich
 dich bishero nie recht geliebt/ vnd ge-
 lobt habe/ auch sekunder dich nit recht
 lieben vnd loben kan/ wie ich schuldig
 bin: Seitemahl du wahrer Gott vnd
 Mensch/ dich ganz in disem H. Sacra-
 ment hast dargeben/ die Reichthumb
 des ewigen Heyls darein beschlossen/
 vnd mir Vnwürdigen sehr mitgetheilt/
 daß ich genieße des alleredlesten Scha-
 zes/ so wir auff Erden haben vnd fin-
 den können. Dir sag ich Lob / Ehr/
 vnd Preis/ auß grunde meines Her-
 zens/ dir befihle ich mein Leib vnd Seel/
 dir opffere vnd ergib ich mich ganz vnd
 gar / daß du nach deinem Göttlichen
 Willen mich regierest vnd brauchest.
 Dein vnd mit mein Will geschehe in alle
 Ewigkeit/ Amen.

Mehr ein anders Gebett nach
 der H. Communion.

G Allmächtiger Gott / weil ich dich
 nuss

nur inn dem H. Sacrament empfangen habe/so opffer ich dir meinen Glauben/in deiner Allmacht/ vnd bitte dich/das du den bewahren wöllest vor allen listigē Versuechunge des bösen Feinds/damit ich weder in meinem Leben/noch in der Stunde meines Todts/von keinem Vnglauben verführt werde/sonder inn dem rechten wahren/ lebendigen / allein seligmachenden Glauben leben vnnnd sterben möge/ solches wöll mir verleyhen die H. Dreyfaltigkeit/ Amen.

So solt du nun gehen mit den Verdiensten aller Heiligen/zu deinem Geliebten vnd betten also:

D Allersüßester Herz Jesu Christe/
D allerliebreichister Liebhaber /
D allergnedigister Vatter / vnd
 vnaußsprechliche höchste Grewd meines Herzens. Ich opffer dir nun mein Herz/meinen Willen vnd mein Krafft/dich mit allen glaubigen Seelen vnsterblich zu loben vnd zu glorificieren: vnd falle nun nider für die Füß deiner
 All-

Allmacht/ vnnnd bitte dein Mayestätte
demütigklich/ daß das Gebett vñ Ver-
dienst/ deiner allerheiligisten vnnnd lieb-
sten Muetter Maria/ vnd aller heiligen
Englen/ Patriarchen/ Propheten/ Ap-
postlen/ Martyrer/ Beichtiger/ Witt-
wen/ Junckfrawen vnd aller Heiligen/
die dich im Himmlischen Vatterlande
loben vnd glorificiern/ daß du mir doch
gnedigklich vergeben wöllest/ alles was
ich heut in deinem Dienst nachlässig
vnd verabsaumblich gethan hab/ vnd
gib mir einen vesteren fürsaz/ hinfürters
innbrünstigst in deinem H. Dienst zu-
bestehen/ vnnnd in allen dingen zu loben
vnnnd zu ehren deinen H. Namen/ Der
ewigklich gelobe vnd gebenedeyt seye.

**Uebung der Andacht gegen den
Heiligen fünff Bunden/ Morgens vnd
Abends/ bey dem Amte der H. Meß/
bey der Beicht vnd Communion/ vnd
allen andern Gottesdienst /
fruchtbarlich zuge-
brauchen.**

G Daller